

Von den Elben

Qntal

Vón den elben wirt entsén vil manic man.
Só bin ich von grózer liebe entsén
Von der besten die ie man ze friunt gewan.
Wil si aber mich darumbe vén,
Mir zunstaten stén, mac sied an rechen sich,
Tuo des ich si bite: si fröut sô sêre mich,
Daz min lip vor wunne muoz zergén.

Mich enzündet ir vil liehter ougen schin
Same daz fiur dendürren zunder tuot,
Und ir fremden krenket mir daz herze min
Same daz wazzer die vil heize gluot:
Unde ir hôher muot, ir schône, ir werdecheit,
Und daz wunder daz man von ir tugenden seit,
Deist mir übel und ouch lihte guot.

Swenne ir liehten ougen sô verkêren sich
Daz si mir aldurch mîn herze sén,
swêr da enzwischen danne stêt und irret mich,
dém müeze al sîn wunne gar zergén!
Wenne sol mir iemer liep geschén?